

Nd.

105. Frumvarp

til laga um laun hreppstjóra og aukatekjur m. m.

(Eftir 2. umr. í Nd.).

1. gr.

Hreppum landsins er skift, eftir fólksfjölda, í 4 flokka þannig:

1. flokkur: Þeir hreppar, er íbúar þeirra eru yfir 750.
2. ——— Íbúar 500 til 750.
3. ——— — 250 — 500.
4. ——— — alt að 250.

2. gr.

Hreppstjórar hafa í árslaun:

Í 1. flokki: 120 krónur.

- 2. — 100 —

- 3. — 80 —

- 4. — 60 —

3. gr.

Launin greiðast úr landssjóði, og skal sýslumaður greiða þau á manntalsþingi eftir á fyrir hvert umliðið fardagaár. Leggi hreppstjóri niður sýslan sína eða deyi hann fyrir lok fardagaársins, fær hann eða dánarbú hans $\frac{1}{12}$ hluta af árslaununum fyrir hvern fullan mánuð, sem hann hefir í embætti verið.

4. gr.

Kostnaður við ferðir hreppstjóra vegna starfa þeirra, er um getur í lögum þessum, telst þannig:

Purfi hreppstjóri að ferðast frá heimili sínu 10 kílómetra eða minna á landi, eða 5 kílómetra á sjó eða minna, skal greiða honum 1 kr. í ferðakostnað fyrir allt að 10 kílómetrum á landi eða allt að 5 kílómetrum á sjó. Ef hreppstjóri þarf að fara meiri vegalengd, greiðist honum hlutfallslega sama þóknun fyrir þá vegalengd, sem umfram er. Þóknun þessa skal reikna eftir samanlagðri vegalengd fram og aftur, en má ekki fara fram úr 6 kr. fyrir hvern sólarhring. Sje hreppstjóri búrtu frá heimili sínu meira en sólarhring, fær hann 25 au. í ferðakostnað fyrir hverja klukkustund. Ferðakostnaður greiðist því að eins hreppstjóra, búsettum í kaптúni eða þorpi, að hann þurfi að fara út úr kaптúninu eða þorpinu.

5. gr.

Fyrir sjárnám eða lögtak ber hreppstjóra, auk ferðakostnaðar, 1 króna fyrir hvern þann, er sjárnám eða lögtak fer fram hjá.

6. gr.

Nú framkvæmir hreppstjóri i umboði sýslumanns og á hans ábyrgð aðrar fógetagerðir, og ber þá hreppstjóra, auk ferðakostnaðar, lögmælt gjald fyrir gerðina, ef gjald þetta fer ekki fram úr 5 krónum. Sje gjaldið fyrir gerðina meira, fellur það, sem umfram er, til landssjóðs.

7. gr.

Haldi hreppstjóri i umboði sýslumanns uppboð, falla uppboðslaunin til hans óskift, sjeu þau ekki hærri en 16 krónur, en fari þau fram úr því, rennur það, sem umfram er, til landssjóð. Auk þess greiðist hreppstjóra ferðakostnaður samkv. 4. gr.

8. gr.

Pegar hreppstjóri, fyrir hönd sýslumanns, stendur fyrir uppskriftar- og virðingargerðum til leiðbeiningar við skifti eða uppboð, fær hann fyrir þetta verk sitt, auk ferðakostnaðar, eftir sjárhæð gerðarinnar:

Alt að 200 kr.	2 krónur.
yfir 200 — allt að 500 kr.	3 —
— 500 — — — 1000 —	4 —
— 1000 — — — 2000 —	5 —
— 2000 —	6 —

9. gr.

Fyrir birtingu á fyrirkalli, stefnu, dómi, uppsögn, málskröfu eða þesskonar birtingar, skal greiða 2 krónur fyrir hvern þann, er birt er, og gjaldinu skift jafnt milli stefnuvottanna. Auk þess skal stefnuvottum greiddur ferðakostnaður eftir reglunum í 4. gr.

10. gr.

Fyrir úttekt á jörðu greiðist hverjum úttektarmanni 4 krónur, auk ferðakostnaðar, eftir reglunum í 4. gr. Fyrir skoðunar- eða matsgerð á fasteign, í hvaða tilgangi sem sú gerð fer fram, skal greiða hverjum skoðunar- eða virðingarmanni eftir fjárhæð matsgerðarinnar:

Alt að 500 kr.	2 krónur.
yfir 500 — alt að 1000	3 —
— 1000 — — — 2000	4 —
— 2000 — — — 4000	5 —
— 4000 —	6 —

Sama gjald greiðist fyrir lausafjárvirðingar.

Fyrir eiðvinningu að gerðum þeim, er um getur í þessari grein, er ekkert gjald greitt.

Ferðakostnaður skal endurgoldinn matsmönnum eftir reglunum í 4 gr., einnig fyrir ferð til eiðvinningar.

11. gr.

Landskiftamönnum skal greiða 4 kr. á dag hverjum, auk ferðakostnaðar samkv. 4. gr.

12. gr.

Gjald til volta við rjettarhöld eða notarialgerðir er 50 aurar til hvers votts fyrir hverja klukkustund, er rjettarhaldið stendur yfir. Hluti úr klukkustund telst heil klukkustund. Í einkamálum greiðist gjald þetta ásamt gjaldinu fyrir fyrirtekt málsins. Fyrir hvert rjettarhald seinna í málinu skal sá greiða gjaldið, er málinu fær frestað.

13. gr.

Gjöld þau, er um getur í lögum þessum, greiðist einnig í opinberum málum og gjafsóknarmálum.

Í einkamálum er gerðarbeiðandinn skyldur til að greiða gjaldið, áður en gerðin fer fram. Verði gjaldið eigi greitt fyrirfram, hefir viðkomandi lög-taksrjett á því.

Í opinberum málum og gjafsóknarmálum greiðast gjöld þessi fyrirfram úr landssjóði, gegn endurgjaldi frá þeim, sem dæmdur verður í málskostnað með endilegum dómi.

14. gr.

Fyrir eftirrit þau, er ræðir um í 3. gr. laga nr. 2, 2. febr. 1894, svo og fyrir önnur eftirrit, sem einstakir menn biðja um úr embættisbókum eða skjalasólnum embætta, skal greiða 1 kr. fyrir hverja örku, en hálfá örku eða minna 50 aura.

15. gr.

Lög 13. janúar 1882 um borgun til hreppstjóra og annara, sem gera

rjettarverk, og lög um breyting á 1., 5., 6. og 8. gr. þeirra laga, frá 13. desbr. 1895, eru úr gildi númín.

16. gr.

Lög þessi öðlast gildi 6. desember 1917.